



Ársskýrsla Kjarafélags KTFÍ

Aðalfundur haldinn 18. mars 2010 kl. 17.

Í stjórn KTFÍ eru:

Þór Sigurbórsson, formaður
Jón Ísaksson Guðmann, varaformaður
Haraldur Sigursteinsson, gjaldkeri
Samúel S. Hreggviðsson
Árni Þór Árnason
Karl Jensson
Vilberg Tryggvason

Varamenn:

Bjarni Bentsson
Hreinn Ólafsson

Starfsemi félagsins

Starfsárið hefur verið annasamt á ýmsum sviðum og margir félagsmenn hafa leitað eftir aðstoð félagsins. Einkum þó hafa margir óskað eftir lögfræðiaðstoð vegna innheimtu vangoldinna launa úr ábyrgðarsjóði launa og annarra launatengdra greiðsla úr þrotabúum fyrirtækja. Einnig hafa félagsmenn óskað eftir lögfræðialitum á óeðlilegum og eða ólöglegum uppsögnum. Einstaklingsmál voru að öðru leyti leyst með aðstoð skrifstofu félagsins.

Mörg af öflugustu fyrirtækjum landsins hafa dregið verulega úr starfsemi sinni. Sum hafa sótt verkefni erlendis og farið undir stjórnir erlendra fyrirtækja eða banka. Ekkert virðist vera að gerast hjá stjórnvöldum til að koma atvinnulífinu af stað og á meðan blæðir fyrirtækjum og heimilum út.

Uppsagnir fjölda félagsmanna eru staðreynd og einnig má fullyrða að stærstur hluti félagsmanna hafi orðið kjaraskerðingum sem ekki er séð fyrir endann á. 113 tæknifræðingar voru á atvinnuleysisráði í desember 2009 og jafn margir í febrúar 2010. Telja má fullvíst að fleiri séu án atvinnu og hafi farið í nám vegna stöðu mála á atvinnumarkaði. Vinna verður bug á atvinnuleysisinu með með öllum tiltækum ráðum.

Skrifstofa félagsins hefur leiðbeint og aðstoðað félagsmenn á þessum erfiðu tímum. Nú eru rúm tvö ár síðan rekstur sameiginlegrar skrifstofu VFÍ, TFÍ, KTFÍ og SV hófst og er hún bakhjarl fyrir innra starf félaganna.

Stjórnarfundir

Haldnir voru 16 stjórnarfundir á starfsárinu og voru féлага- og kjaramál þar fyrirferðar- mest. Mikill fjöldi félagsmanna leitaði aðstoðar skrifstofunnar við gerð ráðningar- samninga og öflun upplýsinga um markaðslaun tæknifræðinga. Skrifstofan vann að því að tryggja félagsmönnum iðgjaldagreiðslur í sjúkra- og orlofssjóð félagsins en margir vinnuveitendur höfðu sleppt þeim greiðslum þar sem félagsmenn skiluðu félagsgjaldi sínu sjálfir.

Markaðslaunaráð

Markaðslaunaráð KTFÍ var sett á fót og hafin samvinna við verkfræðinga um samræmda kjarakönnun og fjölgun kannana. Verður gerð stutt könnun í haust þar sem könnuð verða septemberlaun félagsmanna. Fást þannig launaupplýsingar á sex mánaða fresti. Hafin verður útgáfa á markaðslaunatöflu tæknifræðinga á árinu og er það einnig hluti af samstarfi félaganna.

KTFÍ er deild innan Tæknifræðingafélags Íslands. Félagið hefur sjálfstæðan fjárhag og hefur fullt sjálfstæði til að vinna að bættum kjörum félagsmanna á hvern þann hátt sem landslög leyfa. Í því skyni fer félagið með samningsrétt fyrir hönd félagsmanna sinna um launakjör.

Félagsmenn eru nú um 927, þar af starfa um 200 hjá ríkinu og opinberum hlutafélögum, 57 hjá Reykjavíkurborg og hlutafélagsvæddum stofnunum borgarinnar, um 40 eru frá öðrum sveitarfélögum og um hafa 630 starfa á almennum vinnumarkaði, þ.e.a.s. hjá verkfræðistofum, verktökum, iðnfyrirtækjum o.fl.

Kjarasamningar

Kjarasamningur KTFÍ við Félag ráðgjafarverkfræðinga (FRV) ákvarðar kjör langflestra félagsmanna og var samið um framlengingu á honum í desember 2007 og var samið aftur í júní 2008 með gildistíma til 30. apríl 2009. Aðrir kjarasamningar á einkamarkaði gilda til loka árs 2010.

Kjarasamningar á opinberum vinnumarkaði voru lausir í byrjun vetrar 2008 og voru gerðir skammtímasamningar við ríki, Reykjavíkurborg og Launanevnd sveitarfélaga.

Kjarasamningar KTFÍ og FRV. Samningurinn var undirritaður 23. júní og gildir frá 1. ágúst 2008 til 30. apríl 2009.

Kjarasamningur KTFÍ og Ríkisins. Gengið var frá samningi við samninganefnd ríkisins, í samvinnu með BHM, þann 28. júní 2008 þar sem gildandi samningur var framlengdur frá 1. júní 2008 til 31. mars 2009. Litlar sem engar viðræður hafa verið á liðnu starfsári.

Kjarasamningur KTFÍ og Reykjavíkurborgar. Samningur var undirritaður 30. nóvember 2008 og gildi frá 1. nóvember 2008 til 31. ágúst 2009. Lítið hefur verið um kjaraviðræður á starfsárinu

Kjarasamningur KTFÍ og Launanefndar sveitarfélaga. Samningur undirritaður 2. desember 2008 og gildi frá 1. desember 2008 til 31. ágúst 2009. Engar viðræður eru í gangi.

Kjarasamningur KTFÍ og Orkuveitu Reykjavíkur. Gildistími frá 1. apríl 2008 til 31. desember 2010.

Kjarasamningur KTFÍ og RARIK ohf. Gildistími frá 1. maí 2008 til 31. desember 2010.

Auk þess að gera kjarasamninga fyrir hönd félagsmanna þá heldur stjórn KTFÍ ásamt skrifstofu félagsins utan um kjaratengda sjóði félagsmanna.

Skýrsla Sjúkrasjóðs KTFÍ 2009

Stjórn sjóðsins er skipuð þeim Jóhannesi Benediktssyni formanni, Árna Þór Árnasyni og Helga Baldvinssyni.

Stjórn Sjúkrasjóðs hélt 6 fundi á s.l. ári og úthlutaði 67 styrkjum til félagsmanna að upphæð um 4,7 millj. kr. Um er að ræða mikla fjölgun styrkja frá fyrra ári þegar úthlutað var 35 styrkjum að upphæð kr. 6,7 millj. kr.

Styrkveitingar skiptust þannig:

Dagpeningar: styrkir að upphæð 2,3 millj. kr.

Líkami og sál: 33 styrkir að upphæð 741 þús. kr.

Laseraðgerðir og gleraugu 18 styrkir að upphæð 1.159 þús. kr.

Tannviðgerðir 8 styrkir að upphæð 431 þús. kr.

Rekstrarhagnaður sjóðsins nam rúmum kr. 25 millj. kr. en innborguð árgjöld voru rúmlega 24 millj. kr. Heildareignir í árslok námu tæpum 86 millj. kr.

Skýrsla Fjölskyldu- og styrktarsjóðs KTFÍ 2009

Stjórn sjóðsins er skipuð þeim Samúel Smára Hreggviðssyni, formanni, Óla Jóni Hertervig og Bjarna Bentssyni. Stjórn Fjölskyldu- og styrktarsjóðs hélt 6 fundi á s.l. ári og úthlutaði 62 styrkjum til félagsmanna að upphæð um 4,7 millj. kr. Um er að ræða aukningu frá fyrra ári þegar úthlutað var 55 styrkjum að upphæð 2,7 millj. kr.

Styrkveitingar skiptust þannig:

Dagpeningar: 10 styrkir að upphæð 1.700 þús. kr.

Líkami og sál: 20 styrkir að upphæð 768 þús. kr.

Laseraðgerðir og gleraugu: 19 styrkir að upphæð 1.229 þús. kr.

Tannviðgerðir: 11 styrkir að upphæð 854 þús. kr.

Heynartæki: 2 styrkir, að upphæð 100 þús. kr.

Rekstrarhagnaður sjóðsins nam 9,5 millj. kr. en innborguð árgjöld voru tæplega 9,3 millj. kr.. Eigið fé var í árslok tæplega 56 millj. kr.

Skýrsla Vísinda- og starfsmenntunarsjóðs KTFÍ 2009

Vísinda- og starfsmenntunarsjóður KTFÍ á byggir á samkomulagi Kjarafélagsins við fjármálaráðherra f.h. ríkissjóðs og Reykjavíkurborg frá 1989. Það eru starfsmenn ríkisins, Reykjavíkurborgar og þeirra sveitarfélaga sem gert hafa samning við KTFÍ, auk starfsmanna annarra vinnuveitenda sem hafa gerst aðilar að sjóðnum, sem rétt eiga á styrkjum úr sjóðnum, samtals um 247 félagsmenn. Breytingar hafa orðið á greiðslum til sjóðsins á síðasta samningstímabili og hafa þær kallað á breytingar á uppbyggingu og reglum sjóðsins sem unnið er að og verða þær kynntar fljótlega.

Skipting umsókna á milli efnisflokka árið 2009, er nú 25 umsóknir til náms, námskeiða og ráðstefnuferða. 21 umsókn var vegna Rýnisferðar og 25 umsóknir hafa verið til kaupa á tölvubúnaði, samtals 71 umsókn.

Reglur sjóðsins hafa lengi verið óbreyttar, hámarkstyrkur er nú kr. 300.000,- en þau réttindi nást eftir þriggja ára sjóðsaðild, réttindi vinnast síðan upp aftur eftir úthlutun, um kr. 100.000,- á ári. Sú breyting hefur þó verið gerð að vegna lægra iðgjaldahlutfalls ríkisstarfsmanna að ávinnsuréttur þeirra til endurnýjunar réttinda lengist. Styrkir til tölvukaupa geta mest orðið kr. 150.000,- eða 75% af reikningsupphæð tölvubúnaðar.

Stjórn sjóðsins er nú skipuð eftirtöldum tveimur fulltrúum KTFÍ og tveimur fulltrúum vinnuveitenda; Haraldur Sigursteinsson, formaður, KTFÍ, Óli Jón Hertervig, ritari, KTFÍ, Angantýr Einarsson, f.h. fjármálaráðherra og Árni R. Stefánsson, f.h. Reykjavíkurborgar.

Skýrsla Orlofssjóðs KTFÍ 2009

Í gildi er samningur milli KTFÍ og OBHM um að félagsmenn KTFÍ geti greitt í OBHM. Greiðslur vegna félagsmanna sem vinna hjá ríki eða borg, nokkrum sveitarfélögum og fyrirtækjum í eigu ríkis eða borgar fara beint til OBHM. Aðrir aðilar greiða í Orlofssjóð KTFÍ sem stendur svo skil á greiðslum til OBHM. Þessar greiðslur voru á árinu 2009 fyrir 147 félagsmenn og komu frá 80 fyrirtækjum.